

ქ.-შ. წერა-კითხვის გამავრც. საზოგ. გამოცემა № 82.

ილია ქავჭავაძის

საქალსო შაშლითოქა, № 2.

29

ილია ქავჭავაძის
გაკო შახალი

რამდენიმე სურათი

ანუ

ეპიზოდი ყაჩაღის ცხოვრებიდან

კოემა.

გაკო

ავტორის სურათით და შოვლე ბიოგრაფიით.



თბილისი

ელექტრომეჭდავი "იდეალი" (შ. კიკნაძისა), ნიკ. ქ. № 6.

1907

განმარტო

ქ.-მ. წერა-კითხვის გამავრც. საზოგ. დამოკება № 82.

ილია ჭავჭავაძის

სახალხო ბიბლიოთეკა, № 2.

კაკო უჩაძე

რამდენიმე სურათი

ანუ

ბრუნე

ეპიზოდური ყაჩაღის ცხოვრებიდან

პოემა

ავტორის სურათით და მღვლე ბიოგრაფიით.

თბილისი

ელექტრომეჭდავი "იდეალი" (მ. კიკნაძისა), ნიკ. ქ. № 6.

1927



გვამჯავლი



ილია გ. ტავჭავაძე.

ილია ჭავჭავაძე

დაიბადა ს. ყვარელში (თელავის მაზრა) 27 ოქტომბერს 1837 წელს. პირველ — დაწყებითი სწავლა მიიღო სახლში; თერთმეტი წლისა მამამ მიაბარა ტფილისის ერთ კერძო პანსიონში, საიდანაც შემდეგ გადავიდა გიმნაზიაში.

1857 წელს გაემგზავრა პეტერბურგს და შევიდა უნივერსიტეტში იურიდიულ ფაკულტეტზე. მეოთხე კურსზე იყო, რომ თავი დაანება უნივერსიტეტის სტუდენტების არეულობის გამო, 1861 წ..

1863 წ. დაარსა ჟურნალი «საქართველოს მოამბე», რომელიც გამოდიოდა ერთი წლის განმავლობაში.

1864 წ., მთავრობა რომ გლეხების განთავისუფლებას შეუდგა საქართველოში, ი. ჭავჭავაძე გაგზავნილ იქნა განსაკუთრებულ მინდობილებათა მოხელედ ქუთაისის გუბერნატორთან გლეხებისა და ბატონების ურთიერთობის გამოსაკვლევად.

ამავე წლის ნოემბერში დაინიშნა დუშეთის მაზრის მომრიგებელ შუამავლად, ხოლო 1868 წ. მომრიგებელ მოსამართლედ. 1874 წ. თავი გაანება სახელმწიფო სამსახურს და გადმოვიდა ტფილისში, სადაც მალე დაიკავა სათ.-აზნაურო ბანკის თავმჯდომარის ადგილი.

1885 წ. არჩეულ იქნა წ.-კ. საზოგადოების თავმჯდომარედ და ამ თანამდებობაში დარჩა სიკვდილამდის.

II

1877 წ. დაარსა ყოველკვირული გაზეთი «ივერია», რომელიც შემდეგ გადააკეთა ყოველთვიურ ჟურნალად, ხოლო 1885 წ. დღიურ გაზეთად. 1902 წელს «ივერია» გადასცა სხვებს.

მწერლობა ი. ჭავჭავაძემ დაიწყო 1857 წ., როდესაც «ცისკარში» დაიბეჭდა მისი რამდენიმე ლექსი. შემდეგ მისი ნაწერები იბეჭდებოდა «საქართველოს მოამბეში», «დროებაში», «კრებულში», «ივერიაში», «მოამბეში». მის კალამს ეკუთვნის პოემები: «სურათი ყაჩაღის ცხოვრებიდამ» (კაკო ყაჩაღი), «დედა და შვილი», «აჩრდილი», «დინიტრი თავდადებული», «განდეგილი»; მოთხრობები — «კაცია აღამიანი», «გლახის ნამბობი», «მგზავრის წერილები», «გლეხთა განთავისუფლების პირველ დროების სცენები», «სახჩობელაზედ», «ოთარაანთ ქვრივი», «ნიკოლოზ გოსტაშბიშვილი»; მრავალი პუბლიცისტური, პოლიტიკური და კრიტიკული წერილი: «ცხოვრება და კანონი», «აი ისტორია», «სომეხთა მეცნიერნი და ქებათა ღალადი» და სხ.

ილია ჭავჭავაძე მოჰკლეს 1907 წ. აგვისტოს 30-ს, ს. წიწამურის ახლო. დასაფლავებულია მთაწმინდაზე.



კ ა კ ო ე ა ჩ ა ღ ი

რამდენიმე სურათი ანუ ეპიზოდი უჩადის ცხოვრუ-
ბიდაშ.

„ მიეც გლახაკთა საქურჭლე,
ათავისუფლე მონები,
მიღვწიან, მომიგონებენ,
დამლოცვენ, მოვეგონები “.
შოთა რუსთველი.

სამშობლოს ცასა ბნელად გაშლილი
მწუხრის ზეწარი გადაეთარა, —
და მთვარის შუქზედ მთებისა ჩრდილი
ალაზნის ველზედ წამოიხარა.
ლამის გუშაგი, მუდამ მკმუნავი
მთვარე მეფურად მძლავრად ეიდოდა,
მუებისა ყინვით ნაკვეთი თავი

იმის სხივებთან მუსაიფობდა.
 შორნი მნათობნი მოკამკამენი
 იმ მწუხარს ღამეს მხიარულობდნენ,
 მღუმარს ქვეყანას, ვით საყვარელნი,
 სხივებს ესროდნენ, ზედ დაჰხაროდნენ.
 და იმ მნათობთა სხივის აღერსით
 ველს მშვენიერსა ჩასძინებოდა,
 მხოლოდ ნიავე მთისა მოლხენით
 ტყეში ფოთლებთან ღაზღანდარობდა,
 და ალაზანი შეუპოვარი
 ჰჩიოდა, თითქო კაცს ემდუროდა.
 მის ბუტბუტს მარტო მთაი მღუმარი
 დაფიქრებული ყურს მიუბჟრობდა.
 ყველას ეძინა, დღით ჰფეთქავს რაცა,
 თითქო დაღლილა მიწაც და ცაცა!...
 მხოლოდ კი ერთგან ურემი მძიმე
 მიჰრიალებდა, გზას აღვიძებდა,
 და ნაღვლიანად მასზედ მეურმე
 მწუხარს სიმღერას დალულუნდება.
 ღულუნნი იგი ჩამრჩენია გულს,
 მწუხარე არის ვით გლოვის ზარი,
 მაგრამ თუ ნაღველს მოჰბერს დაჩაგრულს,
 უკუ-ჰყრის კიდევ ვით ღრუბელს ქარი.
 მიდის ურემი და უეცრად
 ვილაცამ ტყიდამ ასკუბა ცხენი,
 მოვარდა იგი ურემს მდგარადა,
 მუშუნვარე სახის ამაყად შჩენი.

— ვერ მიმასწავლებ კუდი-გორის გზას?
ჰკითხა თამამად მან მეურმესა.

— რატომ ვერ, ძამო! აგერ აიმ მთას
მარჯვნივ აუხვევ და გახვალ ხევსა,
ერთი საურმე გზა დაგიხვდება;
იმ გზას დაადევ, წადი, — და როცა
ცხვირ-წამოწვდილი მთა შეგეყრება,
ის მთა იქნება კუდი-გორაცა.
იქ რა გინდა ზენ? ჰკითხა მან ბოლოს,
როს გაათავა გზისა სწავლება:

— იქ საფრთხე რამე არ დაგემართოს,
ბლაქიაშვილი იქ იმყოფება.
მე როგორც ვხედავ, ზენც კი გაქვს მკლავი,
ბევრს შენს ტოლს ბიქს ჯრ დაუფარდები,
მაგრამ მაინც თუ გებრალვის თავი,
ბლაქიაშვილს ნუ დაენახვები,
ნურც დაანახვებ შენს ქურანს ცხენსა,
თორემ ის ბიქი განანებს ბევრსა!
მალიზ, როგორც ხირიმის ტყვია,
და ტყვია თავით დაუნდობელი;
თუ სისხლი ჰმართებს, ისა სჯობია,
შეარჩინო და აიღო ხელი.

— ზენ ფიქრი ნუ გაქვს!... მეც იმას ვეძებ,
მეც მისებრ, ძამო, მილრინაჲს გული;
როგორც ის ცხოვრობს, ისე ვიცხოვრებ,
ამ დღიდგან თავზედ ხელ-აღებული!

და, რა სთქვა ესა, მოხდენით ცხენი
 მოსხლიტა უცებ ლაზათიანმა ;
 გაფრინდა ცხენიც, ვით შავარდენი,
 და მის ფეხის ხმას ხმა მოჰსცა მთამა.

თითქო შენატრდა იმას მეურმე,
 „ახ, ნეტავი შენ!“ წაიღუდუნა
 და, გაიქნია რა თავი მერმე,
 შურით ხარს შოლტი გაუტყლაშუნა
 და მერმე ისევ უფრო მწუხარედ
 თვ-სი სიმღერა დაიღუდუნა.

კუდი-გორასთან ერთი ტყე არი, —
 უწინ ყაჩაღის იყო საფარი, —
 საშიში, ბნელი, გულ-დახურული,
 შეუვალი და წამობურული.
 იქა ჰცხოვრებდა ბლაქიაშვილი,
 კაკო, ყაჩაღად გამოვარდნილი.

მთვარე ჩასული იყო დიდ-ხნისა,
 როცა იმ ტყეში, ერთ ხის ძირასა,
 ფრთხილად ეძინა ბლაქიაშვილსა,
 ბედისგან მწარედ განაწირალსა.
 მის შორი-ახლო ლამაზი ცხენი
 კაზმ-მოუხდელი სძოვდა ბაღახსა,
 და მას ფოთოლნიც მოშრიალენი
 ხშირად უფრთხოვდნენ მოსვენებასა.
 უეცრად შეჰკრთა, აცქვიტა ყურნი,
 თავი აიღო და გაიხედა ;
 მერე ტრიალით იწყო ფრუტუნნი

და ერთს ალაგსა ზედ დააქქერდა ;
 დიდ-ხანს უქქერდა და, რა მოესმა
 თავისის მოძრის ცხენის ფეხის ხმა,
 ვერ მოითმინა, დაიხვიზვინა
 და პატრონს ძილი დააფრთხოვინა.
 წამოხტა კაკო ლომივით ზეზე,
 თოფი მოზიდა და შეაყენა
 და, რა იხილა მხედარი ველზე,
 შეჰკივლა : „ მითხარ, ვინა ხარ შენა ?
 რისთვის მოსულხარ, — მოყვრად, თუ მტრადა ? “

მხედარი

— მოყვრად, გულ-ფიცხო, იყავ მშვიდადა.

კაკო

— თუ მოყვარე ხარ მაშ გამარჯობა !
 კეთილი იყოს ჩვენი გაცნობა.

მხედარი

— ამინ !... შენ არ ხარ ზღაპიაშვილი ?

კაკო

— დიად ! გახლავარ !... რა გნებაეს შენა ?

მხედარი

— შენთან სიცოცხლე, შენთან სიკვდილი,
 შენთან ყოფნა და შენთან დარჩენა.

კაკო

— მომწონს ეგ სიტყვა... შენც მომეწონე
და აპისტოფისაც გენდობი შენა.

მხედარი

— გულის გული იცნობს და ღონეს — ღონე,
მენდე, გაგიყო ჭირი და ლხენა.

კაკო

— ხოშ-გელდი, ძამო!... მე ვარ მდიდარი,
ამ ტყეში მარტო მე მაქვს მეფობა ;
გაშლითა არის ჩემი სახლ-კარი,
და ვერას მაკლებს აქამდინ მტრობა.
ყოველ ხის ძირას ჩემი სახლია,
სადც მიღაჴდება, იქ მითენდება ;
თუმცა ბევრი რამ მე აქ მაკლია,
მაგრამ აქ ჭირიც მიაღვილდება...
უსახლ-კარობა, შიში, შიმშილი,
მარტოკა გდება მხეცივით ტყეში,
ყურდღელსავითა ფხიზელი ძილი
და იარაღი ღლე და ღამ ხელში, —
მართალია, ძმავ, კაცს მოსწყინდება
ძუნწი ცხოვრება ეს დასაღონი,
მაგრამ იქ ყველა გვიადვილდება,
სადაც ჩვენვე ვართ ჩვენი ბატონი!...
მე თანა მყვანან რკინისა ძმები,
ჩემი სიათა, დამბაჩა, ხმალი...

არც მიმტყუნებენ, არც ვემტყუნები,
 მინამ მაქვს მკლავი თავისუფალი.
 ეს ცხენიც, ძამო, ჩემთან შეზდილა,
 მოუდრღკია როგორც რომ ჟინი ;
 ჩემთან საფრთხეში ბევრჯელ ყოფილა,
 გამოუვლია ქირი და ლხინი.

ამათ მივანდე ჩემი ცხოვრება !
 არ აიყრიან გულსა ჩემზედა,
 და კაკოც ისე არ გაძუნწდება,
 რომ არ დააკვდეს ერთგულებს ზედა.
 ჩემი სიმდიდრე აი ეს არი !...
 ჩემს სამეფოში არ არის გმობა,
 თუმც ორგულთან ვარ დაუნდობარი,
 მაგრამ ერთგულთან მეც ვიცა ძმობა.
 ჩამოხედ, ბინას გაჩვენებ, წამო !
 ღარიბულადა მე დაგიხედები,
 და ნუ დამძრახავ ყაჩაღსა, ძამო,
 თუ მასპინძლად ვერ მოგეწონები.

მხედარი მყისვე გადმოხტა მარლად
 და წამოჰყარა აღვირი ცხენსა ;
 ჩამოუჭიმა ყურები მაგრად
 და თვალზედ მზრუნველს უსვამდა ხელსა.
 მოჰხსნა ნაბადი, ჩაკრული უკან,
 ხურჯინიც სავსე გადმოიღო მან,
 მერე გადაჰკრა ხელი გავაზედ
 და მყის გაიგდო ცხენი ბალახზედ.
 შემდეგ მოვიდა იგი სტუმარი,

კაკოს პირდაპირ დადგა მღუმარი.
 მათ ერთმანეთი თვალით გაზომეს,
 და მოეწონნენ ორნივე ერთმანეთს.
 მივიდნენ წყნარად და ხის ძირს დასხდნენ,
 მღუმარედ იყვნენ ორნივე დიდხანად,
 ერთმანეთს თითქო კიდევ შინჯავდნენ,
 ბოლოს კი კაკომ უთხრა თამამად :

— „ვიცი მე, ძამო, არ გამიწყრები,
 და არ დამძრახავ მეტ კითხვისთვინა :
 მითხარ, საიღამ გემცნაურები ?
 ჩემთან მოსვლა რამ გაგაბედვინა ? “

მხედარი

— შენი გაცნობა არ არის ძნელი,
 ამაზედ რალა ვილაპარაკო,
 შორს გავარდნილა შენი სახელი,
 ბაშემაც კი იცის, ვინ არის „კაკო“ !
 შენზედ მოუბნობს კაცი და ქალი,
 ვისაც ენა აქვს, შენ ყველა გაქებს ;
 შენი ამბავი, ეხლა მართალი,
 ზღაპრად მიუვა ჩვენს შეილი-შვილებს.
 შენზედ ამბობენ, რომ ხარ მამაცი,
 გაძოჰქცევინხარ უსამართლობას,
 ამბობენ, თურმე გიყვარს გლეხ-კაცი
 ბარაქალა მაგ გულ-კეთილობას...
 რომ ბედში მყოფი შენ ძმად მიგაჩნდეს,

ვგ ვერაფერი სიყვარულია,
 სიტყვა ის არის, კაცს ის უყვარდეს,
 ვინც ბედისაგან დაჩაგრულია!
 მარტო არსენას, თუ გახსოვს შენა,
 გლეხ-კაცი როგორც ძმა ჰყვარებია,
 გლეხ-კაცის ბედი, ჭირი და ლხენა,
 შვილსავეთ კალთით უტარებია.

აბა, კაციცა ისა ყოფილა
 და ქუდიც იმას, ძმავ, ჰხურებია!
 ნეტავ იმ დედას, ვისგანც გაზდილა
 და ვისაც ძუძუ უწოვებია!...
 მისებრი შვილი ბევრიც ინატროს,
 ეხლანდელ დედამ ველარ გაზარდოს...

ჯერ არ მენახე, მაგრამ გიცნობდი,
 შენი ცხოვრება მენატრებოდა;
 შენთან წამოსვლას ბევრჯელ ვფიქრობდი,
 მაგრამ სახლ-კ რი მენანებოდა,
 ბოლოს კი, ძამო, გამიწყრა ღმერთი,
 დამიტრიალდა უკუღმა ბედი!...
 ყური მომიგდე, გეტყვი ყველაფერს,
 რაც გადამკიდა მწუხარებამა,
 და როგორ, ერთ დროს ბედის მადლიერს,
 გზა დამიხლართა ბედის-წერამა!

მაშინ თორმეტის წლისა ვიყავი,
 როცა ბატონმა სახლს მომაშორა.
 წამსვე ძროხაშა მე მიკრეს თავი,
 ჩემს სახლ-კარიდგან გამაგდეს შორა.

ჯერ კი დავღონდი, დაჩაგრდა გული,
 ყოფნა უმშობლოდ მეძნელებოდა...
 სხვები ჰლხინობდნენ, და მე კი ლული
 ცრემლისა თვალზედ არა მშრებოდა.
 პატარა ჩემი ამხანაგები,
 ჩემ გულ-ჩვილობას იქ დასცილოდნენ,
 დავიწყებოდათ თავის დარდები,
 როცა ისინიც ჩემებრ სტიროდნენ!...
 ჴეც კი მრცხვენოდა ჩემის ცრემლისა. —
 ჩემს ამხანაგებს გავექცევოდი,
 მივუჯდებოდი ერთ ბუჩქის ძირსა
 და იქ მატოკა დიდხანს ვტიროდი.
 მაგრამ ღრუბელმა გადაიარა,
 თან გადიტანა ჩემი ნალველი;
 პატარა გულმა გამოიღარა
 და შეუბრუნა ნალველსა ხელი.
 ჩემს ყოფას მალე შევეჩვიე მე,
 კიდევ ვლხინობდი, კიდევ ვმღეროდი;
 ჩემს სახლ-კარზედა არც დღე, არც ღამე
 აღარ ვფიქრობდი, არ ვღონდებოდი.
 ძამო! რა ტკბილად, რა უდარდელაჲ
 ჩემი დღეები იქ მიდიოდნენ!..
 არა რა მქონდა იქ საფიქრელად,
 ჩემი მოძმენი არ მაძალებდნენ.
 ძროხას ვუვლიდით ჩვენ ერთგულადა,
 გავიზიარეთ ყველამა საქმე,
 და რიგ-რიგადა ყველა ძმურადა

ვყარაულობდით ძროხასა ღამე.
 რაკი მთას იქით მზე დაწვებოდა
 და გაეკეროდა ვარსკვლავი ცასა,
 გაშლილი ძროხა მოგროვდებოდა,
 და დავიწყებდით ყველანი თელასა.
 და დავაბამდით რაკი ძროხასა,
 ტყის პირს ერთს დიდ ცეცხლს გავაჩაღებდით
 და მოვიტანდით ჩვენ ჩვენს საგზალსა,
 ცეცხლსა გარშემო მოვუსხდებოდით.
 ჩვენი ხუმრობა, მღერა, სიცილი,
 ხეზედა მძინარ ფრინველს აფრთხოვდა;
 მოგვერეოდა თუ მერე ძილი,
 ერთი ჩვენგანი ზღაპარს იტყოდა.

რაკი ტრედის-ფრად ცა ინათებდა
 ღა შორს ცისკარი კამკამს იწყობდა,
 მეძროხე ვინმე დაგვიძახებდა
 და დილის ტკბილსა ძილს დაგვიფრთხოვდა.
 ავიშლებოდით და ჩვენის ხმითა
 მკვდარი მთა, ბარი გაცოცხლდებოდა;
 და თავის ძროხას ყველა ზღაზენითა
 ასაშვებლად მიესევოდა.

ზოგი აქ მიდის თექა-მოსხმული
 და მიიფშენეტავს ზარმაცად თვალსა,
 სხვა იქ მიიმღერს აღონებული
 და ერეკება თავის ძროხასა;
 და ერთს წუთს უკან ძროხა ბღავილით
 გაიშლებოდა ფართო მინდორზედ!



და ჩვენ კი ხტომით, მღერით, ძახილით
 მოვგრავდებოდით მთის ცივ წყაროზედ,
 პირს დავიბანდით, ძილს დავიფრთხოვდით,
 მთის წყაროს წყლითა გავეგრილდებოდით;
 ვხტოდით, ვიძახდით, ვლაზლანდარობდით,
 და ზეზეურად დავნაყრდებოდით;
 მერმე ვმართავდით თამაშობასა,
 ხან ქვას ვისროდით, ხან ბურთსა მალლა;
 და შუადღისა გოლვისა ჟამსა
 ჩამოვრეკავდით ძროხასა დაბლა,
 ალაზანშია ვყრიდით ძროხასა,
 თან ჩაეყვებოდით უკანაც ჩვენა.
 ბევრიც სხვა ახსოვს ჩემ ბიჭობასა,
 მაგრამ სად არის ახლა ის ლხენა?!....
 სალამოს ჟამზედ ისევ იმ რიგად
 ცეცხლსა ანთებულს მოვეუსხდებოდით
 და ისევ ზღაპარს გლახურს მორიგად
 თითოსა მაინც ყველა ვიტყვოდით.

ის ზღაპრები მე გულს მიღონებდნენ
 და აქამდინა დამრჩნენ ხსოვნაში,
 ძველებურს დროსა შემაყვარებდნენ
 იმ ჩემ მხიარულ ყმაწვილობაში.
 ეჰ, მარტო ერთი იმ ზღაპრებისა
 ღვიძლ დედასავით მე შემეთვისა!
 ის მე ბევრს რასმე გულს ჩამძახებდა,
 ხან მომალხენდა, ხან მალონებდა.
 არსენა ჩვენი, ის მხნე არსენა,

ჩვენამდინ, ძამო, ზღაპრად მოსული,
 ის იყო ჩემი ჯავრი და ლხენა,
 ის იყო ჩემი გული და სული.

ეგრედ გონება ხალისიანი
 არსენას ამბით მე მეზღებოდა ;
 მიუვარდა მე ის კეთილ-დღიანი
 და არსენობა მენატრებოდა.

ეგრედ მინდორზედ, ძმაო, ვყვავოდი
 ჩემს ბიჭობაში შეუპოვარი,
 ჩემს სახლ-კარზედა არა ვდარდობდი,
 შინაურობის არ მქონდა ჯავრი !

მე ჯერედ ვიყავ პაწაწკინტელა
 და მადლიერი ჩემ კეთილ დღისა
 და მე მეგონა, რომ ჩემებრ ყველა
 მადლიერია თავის ბედისა.

მე მამა მყვანდა მხნე კაცი, მარჯვე,
 დაუღლეო და ბეჯითი გამრჯე ;
 თუმცა ხელ-მარტო ის ცოდვილობდა,
 ჩვენ კაცებშია ბევრი არ სჯობდა.
 იმ დალოცვილსა ვერვინ ასწრობდა
 ვერც ხენას, ვერც თესვას და ვერცა მკასა ;
 ღმერთიცა მართლა უხვად სწყალობდა
 და წყალობითა უვსებდა სახლსა.
 ეგრე იქმნება მუდამ, მეგონა,
 მადლიერად და უნაღვლოდ მამა,
 მაგრამ კი ბოლოს ის დააღონა,
 მწარედ უმტყუენა ბედის-წერამა...

შენც, ძამო, ვიცი გაგიგონია,
 ყმის ბედი რა რიგ სწრაფად იცვლება!
 თუ ყმასა გუშინ ბედი ჰქონია,
 არ იჯერებს, რომ დღესაც ექმნება.
 ჩვენი წადილი, ჩვენი იმედი
 ყოველთვის, ძამო, არის საფრთხეში,
 გლეხ-კაცის და ყმის ლიტონი ბედი
 ვერა, ვერ გასძლებს ბატონის ხელში. .

დრო გადიოდა და თან მიჰქონდა
 მამი ჩემისა უბედურობა,
 მამა თან-და-თან მიბერდებოდა,
 ბოლოს წაერთო საწყალს მხნეობა!...
 თუმცა კი შერჩა წადილი ძველი,
 შრომის სურვილი იმ უბედურსა,
 მაგრამ არც ღონე და აღარც წელი
 აღარ მოსდევდა დრო გარდასრულსა.
 საბრალო მამა ჰხედავდა ცხადად,
 რომ რამდენადაც ღონე აკლდება,
 ოჯახი უკან მიდის იმდენად
 და სახლ-კარიცა სულ ეღუპება.
 იმ სიბერესთან იმ უბედურსა
 ერთი სხვა ჭირიც ზედ გამოება
 და შეეყარა საწყალს, უძლურსა
 გამუდმებული ციებ-ცხელება.
 ეგრეა, ძამო, კაცისა ბედი
 ის უკუღმართი, უღმრთო წამწყმედი,
 თუ ე⁴თხელ ღერძი გადუბრუნდება,

სულ უკუღმართად დატრიალდება !

მაშინ შევიქენ მეც ოცის წლისა...
კვებნით არ ვიტყვი, ბევრ ჩემ ტოლს ვჯობდი ;
კარგად შემეძლო მოვლა სახლისა,
თუ გულის-მოდგინედ მივეშველოდი.
მაგრამ მე კიდევ ბატონსა ვყვანდი,
შინ არ მითხოვდა, არ მეშვებოდა,
მე იქ სხვისთვისა ჩემს თავს ვღუპავდი,
შინ კი ოჯახი მელუპებოდა.

ერთხელ გამხდარი, გაყვითლებული,
ილაჯ-ნაწყვეტი სნეულებითა
საწყალი მამა მოხუცებული
იახლა ბატონს თხოვნით, ხვეწნითა.

მხეცი რამ იყო ბატონი ჩვენი,
ერთი აჯამი, გულ-ქვა, რეგვენი,
იმას კაცებრი გული არ ჰქონდა,
რომ მამა-ჩემი შეჰბრალებოდა.

რა გავაგრძელო, თავადის-შვილი
კარგი რა არის, ავი რა იყოს ?!
და მამა-ჩემი გულ-მოწყვეტილი
იახლა ამ გვარს უხამსსა ბატონს.

— შენი ჰირიმე, — უთხრა, — ბატონო,
სახლს ვერ გავუველ მე მარტო-ხელი...
დამითმე შვილი... არ დამაღონო,
არ დამიღუპო ოჯახი ძველი.

ბატონი

— რაო, რის ბოდავ?

მამა

— შენს სადღეგრძელოდ

ოღონდ ზაქარა შინ დაითხოვე,
რომ უკან წასულს ოჯახს ვუშველოთ,
და მერე თუნდა ჩიტის რძე გეთხოვე.
კულოხს, კოდის-პურს, გადასახადსა
ერთი-ორადა მოგართმევთ შენა;
თუ დავაყენებთ ფეხზედ ოჯახსა,
არ გავექცევით სამსახურს ჩვენა.

ბატონი

— ეგ რომ არ იყოს, გაექცევოდი
შენ ჩემს სამსახურს, ჩემს ბძანებასა?...
ქოფაკო!... ნუ თუ მაგას ჰფიქრობდი,
რომ მიბედავდი ემაგის თქმასა?

მამა

— არა მქონია მაგის ფიქრი მე,
შენი რისხვაცა არ გამიწყრება...
მაგრამ მიბძანე, შენი ჭირიმე,
რით გემსახურო, რაც არ მექმნება?
ღმერთი ხომ ჰხედავს, მე დავსწნეულდი,
ღონე, ილაჯი გამიწყდა სრულებ...

მარტო ვერას ვიქმ, მთლად დავუძღოურდი,
 თორემ ჩემს შვილზედ არ შეგაწუხებ.
 მინამ შემეძლო, სახლს ვინახავდი,
 არც ღონე მშურდა და არცა ძალა,
 დღე და ღამ ოფლსა მე ვიწურავდი,
 მაგრამ ეხლა დრო გამომეცვალა.
 აწ არაქათი გამიწყდა სრულად,
 უდროდ დავბერდი, ჯანი წამერთო,
 ველარა ვუვლი ოჯახს ერთგულად,
 თუმცა კი მინდა, ხომ ჰხედავ, ღმერთო!...
 ოჯახი ეხლა მელუპება მე,
 კაი ოჯახი, კაი სახლ-კარი!...
 ნუ! ნუ დაღუპავ, შენი კვნესამე,
 მინამ პატრონი ცოცხალი არი.
 სიყრმით ჩამიკლავს მამულში თავი,
 მანდ დამიღლია ძარღვი და მკლავი,
 გამოპირზდია ჩემის ოფლითა,
 ვაი-ვაგლახით, წვით და დაგვითა.
 მძიმე უღელი მე მიწვეია
 ჩემის სახლ-კარის და ოჯახისთვის.
 ამდენი ჯაფა გამიწვეია
 ნუ თუ, ბატონო, ამ შავის დღისთვის,
 რომ უდროო დროდ ადრე და მალე
 მევე დავმარხო ჩემი გაზრდილი?...
 ნუ იქ მაგასა, შენ გენაცვალე,
 ნუ მიზამ მაგას, დამითმე შვილი!

ბატონი

მერე მე ძროხა ვის ჩავაბარო?
 სადღა ვიშოვნი კარგ მეძროხესა?
 ვერა, ვერ მოგცე შენი ზაქარო,
 თუნდ სულ დაგენთქას ოჯახი დღესა!
 ვერ უყურებთ ამ ქოფაკს, ჩერჩეტას!
 მირჩევს, ჩემიო გერჩივნოს შენსას..
 არა, „ერთი მაქვს სჯობს ათასს მქონდეს“...

მამა

— მე ჩემი მომეტ. შენ შენი გქონდეს
 და შენს სახელსა მტლად დავედები.

ბატონი

— გაგეცა, ვირო, ნუ მეღიჯები!

მამა

— რომ გაგეცალო, ვისლა მივმართო,
 ვინ მომაშველებს ხელს დაღუპვილსა!
 მარტომ ოჯახი როგორ მოვმართო,
 თუ არ დამითმობ, ბატონო, შევილსა?
 რა ვუყო, რა ვქნა, რა მეშველება,
 მიბძანე, შენი კვნესამე, შენი?

ბატონი

— თუნდ სულიც გაგძვრეს, არ მენალვლება,
თავში ქვა იეც და ისა ჰქენი.

მამა

— შე დალოცვილო, ქვა ვიცე თავში, —
რა პასუხია, როგორ იქმნება!...
ჩვენც ვურევივართ კაცებში, ხალხში,
ქამა-სმა გვინდა, გვინდა ცხოვრება...

ბატონი

— სუ!... შე ქოფაკო!... გაიკმიდე ხნა!...
ხმა... კრინტი მეთქი!... ძაღლო, თორემა
მე არ მივხედავ მაგ შენს სიბერეს
და უკან ჩაგჩრი ჯოხით მაგ სიტყვებს...

მამა

— როგორ თუ ჩამჩრი!... კაცს შიმშილით
ცოცხალსა მმარხავ, ოჯახს მილუპავ, [მკლავ,
ბებერ კაცს ლუკმა პური უწყდება,
შვილსა შიმშილით მამა უკვდება,
შვილს შეუძლიან მამის დარჩენა, —
და ამის ნებას არ აძლევ შენა!...
მე ჩემს ღვიძლ შვილსა აღარ მანებებ,
რომ შტამინახოს სიბერის ღროსა,

მართალს სიტყვასაც არ მათქმევინებ,
 ფუ, შენს სამართალს, შენს სამსჯავროსა “ !...

ეს იყო, ძამო!... ამ სიტყვებმა ჰქმნეს
 შვილის და მამის უღმრთოდ წახდენა...
 შენ მეტყვი, რომ არ უნდა ეთქვა ეს,
 მაგრამ რა ექმნა, აბა სთქვი შენა?

ეხვეწებოდა განა ცოტასა
 იმ სულ წაწყმედილს საწყალი მამა!...
 მაგრამ როგორც ცივს რკინას და ქვასა,
 ვერ დაუღბო, ვერ, გული ხვეწნამა.
 ისც კაცი იყო... ვერ მოუთმინა
 იმედ გაწყვეტილ, მოკლულმა გულმა,
 და, რაც შიგ ჰქონდა, სულ ათქმევინა,
 უსამართლობამ წრიდამ გასულმა.

ჩიბუხის ტარით მამა ჩემს მტრულად
 ეცა ურჯულო ბატონი ჩვენი...

უნდა კი გითხრა, რომ მამა სრულად
 არ გაღახულა თავისი დღენი.

სირცხვილმა გული გადმოუბრუნა...

თუმც აღარ ჰქონდა მკლავებში ღონე,
 მაინც კი ხელი შემოუბრუნა.

როგორ თუ ხელი მომიბრუნაო,

„ბიჭო, როზგები, ბიჭო, როზგები!“

და მამა ჩემსა მოხუცსა, ძმაო,

წამოეჭიდნენ მისივ მოძმები!!!

როზგით მიცემს მამა სწეული,

მამა მოხუცი, პატივს ჩვეული...

იმისი კვნესა და მწუხარება
 გულს მიკლავს ხოლმე, რო მაგონდება.
 არც უღონობამ, არც სიგამხდრემა,
 არც სიბერემა, არც თეთრმა წვერმა,
 არც კაცის და არც ღეთის სამართალმა
 არ მიპატივეს ბებერი მამა!...

მაშინ იქ ვიდექ მე საცოდავი...

გულ-ამომჯდარმა წაიღუდუნა,
 მერმე მწუხარემ მწუხარე თავი
 ამოიკვნესა და ძირს ჩაღუნა.

წამოხტა კაკო განრისხებული,
 მას აერია სული და გული
 და შეეუტია მწყრალად ზაქროსა:

— შენ იქ იდექი, ამბობ, იმ დროსა
 და იქამდინა მიუშვი მტერი,
 რომ აცემინე მამა ბებერი?!
 მითხარ, დედალო, რას აკეთებდი,
 რას გეუბნოდა გული იმ დროსა?
 იქ რომ მდგარიყავ, ჩაგაძაღლებდი
 ჯერ შენ და მერე იმ შენს ბატონსა...
 რას უყურებდი? ნუ თუ სეირსა, —
 როგორ სწუწვნიდნენ მამა შენს სისხლსა!...
 ფუ, შენს ნამუსსა, მამაშვილობას,
 ფუ, შენს სახელსა, შენს ვაჟკაცობას!...
 მამას გიკლავდნენ, არ იღებდი ხმას...
 შენ იქ იდექი, გულით იძუნწე! —
 რა ოხრობასა აქნევდი მაგ ხმალს,

რომ ნაჭერ-ნაჭერ ხლმით არ აკუწე
 სულ წაწყმედილი შენი ბატონი!
 ე მაგ შერცხვენილ ხლმისა პატრონი
 ჩემთან მოსვლასა როგორ ჰბედავდი?
 ნუ მარცხვენ ყაჩაღს, გამეცა, წადი...
 შენ, ძმავე, ყაჩაღად არ ვარგებულობარ.
 შენ დედა-კაცად დაჰბადებულობარ,
 ფუ, მაგ კაცობას!

მხედარი

— კაკო, ნუ სწყრები!
 კარგად არ იცნობ ჯერ ხომ ზაქროსა?
 ჩემს ტოლს ბიჭს არც მე დავუვარდები,
 არც გავექცევი ხმალში კაკოსა.
 ეგრე ადვილად ნუ არცხვენ ჩემს ხმალს
 და იმის პატრონს ნუ მეძახი მხდალს.
 ეგრე ნუ მძრახავ... მომიგდე ყური:
 მინამ ბატონი ხელითა სცემდა,
 როგორცა ძაღლი ხორცსა ვიგლეჯდი...
 „მოჰკალ“ რაღაცა ხმა მაძალებდა,
 მაგრამ როგორღაც თავს ვიმაგრებდი.
 მომეკლა, ვიცი მამას მოჰკლავდნენ,
 მკვდარსა, თუ ცოცხალს კბილით შესეპმდნენ,
 ამის მიზეზი მე ვიქმნებოდი, —
 და არ მომეკლა, უღმრთოდ სტანჯავდნენ,
 ეგრე ორ ცეცხლში ვიმყოფებოდი.
 მაშინ კი, როცა წამომიქციეს

და მოხუცებულს როზგი დამიკრეს,
 თვალთ დამიბნელდა, ამენთო გული,
 მივევარდი თოფსა გამწარებული,
 მხრიდამ გადვიგდე მაშინვე თეკა,
 და, რო ყვიროდა: „დაჰკარ, დაჰკარი!“
 მაშინ ჩემ თოფმაც გამოიკეკა
 და შეუნგრია გულის ფიცარი —
 იმ ჩემს ბატონსა, ჩემს დამღუპველსა,
 თავის თავის და სხვის წამწყმენდელსა.

კაკო

— შენი გამჩენის ჰირომე, შენი!
 ბიჭი ყოფილხარ, ხლმისა დამშვენი. .
 შენ დაგიკვებოს შენმა მშობელმა,
 რომ იმის ძუძუ შენ შეგრგებია.
 აი დალოცოს ის ქრისტე ღუერთმა,
 ვისაც შენებრი დაჰბადებია!
 ძამო, გამჩენის შენის ჰირომე,
 რაც წელან გითხარ, ყველა დამითმე.
 ლამის დამადნოს ჩემმა სირცხვილმა
 და კაკომ შენ წინ თავი დაიღოს.

მხედარი

— განა საქები არის, რომ შევიღმა
 თავისი მამის სისხლი აიღოს?
 ამას იქმოდა ყოველი კაცი
 თუნდა მხდალი და თუნდა ვაჟ-კაცი.

ვით მეტი იყო წელან ძაგება,
 ისე მეტია ეხლა ეგ ქება.
 მაგრამ, ეჰ, კაკო!... მე მაგ სიკვდილმა
 გულის კრილობა არ გამიმთელა;
 მამის გულისთვის გაწირულ შვილმა,
 მამას ვერაფრით ველარ უშველა.
 მაშინ თავი არ მაგონდებოდა
 და დაქერისაც არ მეშინოდა...
 მივევარდი მამას... უსულოდ ეგდო!
 მუხლი მომეჭრა, ცეცხლი მომედო!
 ის საწყალი სულ დაღურჯებული
 ეგდო უძრავად გაშეშებული!..
 ვაიმე, მამა მე მომკლდომიყო,
 როზგ ქვეშა უღმრთოდ, უზიარებლად!...
 მაგრამ ეჰ, ძმაო, რაც იყო, იყო,
 ჯოჯოხეთია მოსაგონებლად.“
 და, რა სთქვა ესა, ზაქრო მწუხარედ
 პირ-ქვე დაეცა დადუმებული;
 დიდხანსა ეგდო ეგრე მდუმარედ
 გულში ვაების ცეცხლ-მოდებული.
 ამ საწყალს შვილზედ კაკოც შეწუხდა,
 ორივ წაიღო ერთმა ნაღველმა...
 ამ ორს გულში რა ბალღამიც დუღდა,
 წარმოიდგინოს თვითონ მკითხველმა.

